

**PM Ucap Tahniah Atas Kemenangan BN Di Balingian
Bernama
30 Mac, 2014**

KUALA LUMPUR, 30 Mac (Bernama) -- Perdana Menteri Datuk Seri Najib Tun Razak mengucapkan tahniah kepada calon Barisan Nasional (BN) Yussibnosh Balo atas kemenangannya di Pilihan Raya Kecil (PRK) Dewan Undangan Negeri (DUN) Balingian.

"Kita akan terus bersama memakmurkan Sarawak," kata Najib, yang juga Pengerusi BN, dalam tweet terbaharu beliau hari ini.

Semalam, BN mengekalkan kerusi DUN Balingian dengan majoriti 6,911 undi.

Yussibnosh, 48, memperoleh 8,194 undi berbanding calon PKR Abdul Jalil Bujang, 55, yang mendapat 1,283 undi.

Pilihan raya kecil itu diadakan susulan peletakan jawatan Tan Sri Abdul Taib Mahmud sebagai Anggota Dewan Undangan Negeri Balingian, dan beliau kemudiannya dilantik sebagai Yang Dipertua Negeri Sarawak.

-- BERNAMA

Copyright © 2014 BERNAMA

Source: <http://www.bernama.com/bernama/v7/bm/newsindex.php?id=1026122>